

Ա Ռ Կ Ո Ւ Ս Ա Ն

Հ Ռ Ի Փ Ս Ի Մ Է

«Մայր խնոյ հոգւոյս կուսութեամբ.»

ԽՈՐԵՆ.

Գարնան վարդերուն մեր բոսորագեղ
Ըզմայլեցուցիչ բուրմանց հետ մէկտեղ՝
Հասաւ, Հռիփսիմէ՛, ինձ քոյդ յիշատակ,
Ու լրցաւ սրբախկս հոտովդ անուշակ:

Պանդըխտիս ոսկերքն ու լանջ ել իթունդ՝
Եբբոր լրսեցի քո սիրուն Անունդ.
Պահ մը զիմ տրխուր շրջակայս մոռցայ՝
Իբբու Հայրենեաց թէ իծոց մըտայ:

Կարծեցի տօնիդ քո զերզ քաղցրաւոր
Լըսել անդ հրնչեալ բըլուր առ բըլուր.
Ու իբր իքո սուրբ թէ կացեալ գաւիթ՝
Լըսել զիմ եղբարցս օրհնութեան շըռինդ:

Կարծեցի տեսնել քո հասակակից
Հայունեաց կուսիցքն դաս հըրճուալից,
Խայտալ Կուսանիդ իվեհ յաղթութիւն՝
Որով յաղթանակ կանգնեց կուսութիւն:

Կարծեցի տեսնել Սեղանոյդ վըրան՝
Ծաղկիդ՝ նըւիրեն վարդեր ու շուշան,
Ծաղկունք՝ ոհ թոռնուք ծաղկանցն այն կարմիր
Չոր արեան ցօղով քով ոռոգեցիր:

Եւ իմ սիրտ տրփեց, քակուեցաւ լեզու,
Եղբարցս հետ խառնել ձայնիկս յալելու.
Հռիփսիմէ՛, գոչեմ, բայց աւանդ իմ ձայն
Ժտար երկնի տակ ցըրուեցան ունայն:

Եւ ահա սրբաւ զընաց խընդութիւն ,
 Կըտրեցաւ շըրթանցս ուրախ օրհնութիւն .
 Աչքերս հոսեցին ու զփունջն այն թացին
 Զոր կապեր էի քո սուրբ խորանին :

Ո՛հ , թէ կընդունիս զեղբարց սիրտ ուրախ՝
 Ո՛վ Կոյս , կընայիս եւ յիմ ախուժախ .
 Արդեօք չես ցաւիր պանդըխտիս բաղդին՝
 Որ ըմ երբ երկիր խընդայ ընդ երկին :

Եւ ինչպէս չըլամ երբոր չեմ արժան
 Պագնել ըզնըշխար քո եւ սուրբ Սեղան ,
 Որ ցաւած աչքիս կաթի քո սուրբ եղ
 Ու ցամքեցընէ զվըշտանցս իմ հեղեղ : . . .

Այլ դուն թէ տաճար ունիս Հայաստան ,
 Սակայն տիեզերք փառացդ է կայան .
 Թէ ես հայրենեաց եմ աքսոր ընկած՝
 Միթէ քո սիրոյդ եմ դուրս մընացած :

Ո՞ զքեզ աւելի կըսիրէ քան զիս ,
 Ո՞ քեզ ամէն օր ինձ պէս ծունկ տալիս .
 Ո՞վ քան ըզպանդուխտս իքեզ է կարօտ ,
 Ո՞վ զայս դառն արտօսք հեղ այս առաւօտ : . . .

Ա՛խ . . . այս արցունքներս հասնէին քեզի ,
 Ու չըչորնային ինողմն օտարի .
 Հասնէին քեզի , ու կոյս բըբերուդ
 Իջեցընէին նըշոյլ մի գըթուդ :

Արդեօք այն ատեն կըցընծայր ոգիս ,
 Ու կըմոռնայի ըզցաւ պանդըխտիս .
 Պանդըխտիս՝ ում չիք յերկրի մըխիթար ,
 Ո՛չ զըլխոյն՝ ըստուեր , ո՛չ սըրտին դաղար :